



唐詩紀事卷第五十二

雍裕之

裴潏

皇甫曙

李肱

皇甫松

徐凝

張祐

崔涯

盧儲

趙璜

柴夔

王繼勳

夏鴻

曹汾

楊鴻

易重

雍裕之

剪綵花云敢競桃李色自呈刀尺功蝶猶迷剪翠人豈

辨裁紅

春晦送客云野酌亂無巡送君兼送春明年春色至莫

作未歸人

唐詩集卷五十二
裕之貞元後詩人也

五雜組云五雜組刺繡窠往復還織錦梭不得已成文
河

自君之出矣寶鏡為誰明思君如隴水長聞嗚咽聲

裴潏

長安豪貴惜春殘爭賞先開紫牡丹別有玉杯承露冷
無人肯向月中看長安三月十五日兩街看牡丹甚盛
慈恩寺元果院花最先開太平院開最後潏作白牡丹
詩題壁間太和中駕幸此寺吟翫久之因令宮嬪諷念
及暮歸此詩滿六宮矣

潏河東人柳泌為憲宗治丹劑潏上疏極諫帝卒以藥
棄天下世以為知言潏以兵部侍郎卒嘗哀古今詞章
續文選號大和通典上之當時之士非與游者不取世
恨其嗑

開成元年李衛公分司東都居平泉別墅潏述其素尚
賦四言詩十四章兼述山泉之美明年衛公觀察浙西
潏自兵侍尹河南乃刻于石首章云動靜有源進退有
期用在得正明以知微夫惟哲人會且有歸靜固致動
安無慮危將憇于盤止亦先機

皇甫曙

立春日呈宮傳侍郎云朝旦微風吹曉霞散為和氣滿
家家不知容貌潛消落且喜春光動物華出問池冰猶
塞岸歸尋園柳未生芽摩挲酒甕重封閉待入新年共
賞花

曙元和十一年中書舍人李逢吉下登第逢吉所權多
寒素時有詩曰元和天子丙申年三十三人同得仙袍
似爛銀文似錦相將白日上青天是歲高漸第一人劉
端夫李行方周斥物廖有方輩皆預選寶曆間崔從鎮
淮南曙為行軍司馬

李肱

開元太平日萬國賀豐歲梨園厭舊曲玉座流新製鳳
管迤參差霞衣繞搖曳宴罷水殿空輦餘青草細蓬壺
事已久仙樂功無替誰肯聽遺音聖明知善繼肱開成
二年試霓裳羽衣曲詩也是年秋帝命高銜復司貢籍
詔曰夫宗子維城本枝百代封爵所宜無令廢絕常年
宗正寺解送人恐有浮薄以忝科名在卿籍揀藝能勿
妨賢路所試賦則准常規詩則依齊梁體格乃試琴瑟
合奏霓裳羽衣曲詩主司先進五人詩其最佳者李肱
次則王牧乃以榜元及第帝覽之曰近屬如肱者其不
忝乎高銜奏曰臣銜昨日奉宣進旨令將進士所試詩

賦進來者伏以陛下聰明文思天縱聖德今年詩賦比於去年又勝數等臣日夜考較敢不推公進士李肱霓裳羽衣曲詩一首最為迥出更無其比詞韻既好人才俱美前場吟咏近三五十遍雖使何遜復生亦不能過兼是宗枝臣與狀頭第一人以獎其能次張棠詩一首亦絕好亞次李肱臣與第二人其次沈黃中琴瑟合奏賦又似文選中雪月賦體格臣與第三人其次王牧賦自立意緒言語不凡臣與第四人其次柳棠詩賦興思敏速日中便成臣與第五人凡此五卷詩賦擢其中科實所不愧其餘三十五人或獎舊文別錄人材非止一途四面搜擇臣並與及第李肱舊文亦好人物絕竒每視且他日必為卿相宗枝之俊實為難得况屬籍之中讀書為文者甚以伏望聖明俯留宸覽李肱等五人詩賦若有不堪敢心欺天之罪如或可採伺候聖心其李肱詩賦伏望陛下聖慈特降獎飭宣示百僚以勸皇族脩飭之道臣繆亦主司不勝悽悽之誠其詩賦摠為一卷謹隨狀奉進以聞

范攄云肱止於西齋二牧

皇甫松

古松感興云皇天后地力使我向北生貴賤不我均若

為天公情我家世道德旨意斤又明家集四百卷獨立
天地經寄言青松姿豈羨朱槿榮昭昭大化光共此遺
芳馨

怨回紇歌云白日南朝女愁聽異域歌收兵頡利國飲
馬胡蘆河毳布旌羶久穹廬歲月多鵬巢城上宿吹笛
淚滂沱又云祖布駐征棹開帆候信潮隔筵桃葉泣吹
管杏花飄船去西飛閣人歸鹿上橋別離惆悵淚江路
濕紅蕉

松著醉鄉日月三卷自叙或曰松丞相竒章公表甥公
不薦舉怨望因裴陽大水極言誹謗有夜入真珠室朝

遊玳瑁房之句真珠公愛姬名也

拋毬樂詩云紅撥一聲飄輕毬墜越綃帶翻金孔雀香
滿繡蜂腰少少拋分數花枝正索饒又云金盛花毬小
真珠繡帶搖幾回銜蠟燭千度入春宵上客終須醉觥

盃自亂跳

松有登郭隗臺詩云燕相謀在茲積金黃巍巍上者欲
何顏使我千載悲又有勸僧詩酒云勸僧一盃酒共看
青青山醜然萬象滅不動心即閑張為取作主客圖
松韓門弟子湜之子也

徐凝

宿列上人房云浮生不定若蓬飄林下真僧偶見招覺
後始知身是夢更聞寒雨滴芭蕉

疑睦州人樂天詩中有李郎中訪徐疑山人云郡守輕
詩客鄉人薄釣翁解憐徐處士惟有李郎中

張祐

題金山寺云一宿金山頂微茫水國分僧歸夜船月龍
出曉堂雲樹影中流見鐘聲兩岸聞因悲在朝市終日
醉醺醺

寓懷寄蘇州劉郎中云一聞周召佐明時西望都門強
策羸天子好文才自薄諸侯力薦命猶竒賀知章口徒

勞說孟浩然身更不疑唯是勝遊行未遍欲離京國尚
遲遲

入潼關云都城三百里雄險此迴還地勢遙尊岳河流
側讓關秦皇曾虎視漢祖昔龍顏何處梟兇輩干戈自
不開

故國三千里深宮二十年一聲何滿子雙淚落君前自
倚能歌曲先皇掌上憐新聲何處唱腸斷李延年二章
祐所作宮詞也傳入宮禁武宗疾篤目孟才人曰吾即
不諱爾何為哉指笙囊泣曰請以此就縊上憫然復曰
妾嘗藝歌請對上歌一曲以泄其憤上許乃歌一聲何

滿子氣亟立殞上令醫候之曰脉尚温而腸已絕帝崩
柩重不可舉或曰非侯才人乎爰命具襯襯至乃舉祐
為孟才人嘆予曰才人以誠死上以誠命雖古之義激
無以過也歌曰偶因歌態詠嬌嚔傳唱宮中十二春却
為一聲何滿子下泉須弔舊才人

杜牧之與祐遊酷吟其宮詞亦知樂天有非之之論乃
為詩曰睫在眼前人不見道超身外更何求誰人得似
張公子千首詩輕萬戶侯

寧哥來云日映宮城霧半開太真簾下畏人猜黃翻綽
指向西樹不信寧哥迴馬來

退宮人云開元皇帝掌中憐流落人間二十年長說承
天門上宴百官樓下拾金錢又云歌喉漸退出宮闈泣
訴伶官上許歸猶說入時歌聖壽內人初着五方衣
玉環琵琶云宮樓一曲琵琶聲滿眼雲山是去程指顧
段師非汝意玉環休把恨分明

春鶯轉云興慶池南柳未開太真先把一枝梅內人已
唱春鶯轉花下傚傚軟舞來

容兒鉢頭云爭走金車叱鞅牛笑聲誰是說千秋兩邊

角子羊門裏猶學容兒弄鉢頭

邠娘羯鼓云新教邠娘羯鼓成大酺初日窳先呈冬兒

指向真真說一曲乾鳴杖子輕

耍娘歌云宜春花夜雪千枝妃子偷行上密隨便喚要
娘歌一曲六宮生老是蛾眉

悖拏兒舞云春風南內百花時道調梁州急便吹搨手
便拈金梳舞上皇驚咲曉拏兒

集虛臺云日光斜照集虛臺紅樹花迎曉露開昨夜上
皇新授籙太真含笑入筵采

阿鷓湯云月照宮城紅出芳綠窻燈影在雕梁金輿未
到長生殿妃子偷尋阿鷓湯

和杜牧之齊山登高云溪南岸菊霏霏急管繁絃對

落暉紅葉樹深山逕斷碧雲江淨浦帆稀不堪孫盛嘲
時笑願送王洪醉夜歸流落正憐芳意在砧聲徒促授
寒衣

感王將軍柘枝妓歿云寂寞春風舊柘枝舞人休唱曲
休吹鴛鴦鈿帶拋何處孔雀羅衫付阿誰畫鼓不聞招
節拍錦靴空想挫腰支今來坐上偏惆悵曾是堂前教
徹時

題干越亭云扁舟亭下駐煙波十五年遊重此過洲嘴
露沙人渡淺樹稍藏竹鳥啼多山街落照歌紅蓋水蹙
斜紋卷綠羅腸斷中秋正圓月夜來誰唱異鄉歌

世傳韋鮑二生以妾換馬之事云韋生不第東鄉同憇
水閣鮑有美妾韋有良馬鮑以夢蘭小倩佐歡飲酣停
盃閱馬軒檻韋曰能以人換任選殊尤鮑欲馬之意頗
切密遣四絃更衣盛裝頃之而至乃命勸韋酒歌云白
露濕庭砌皓月臨前軒此時去留恨含思獨無言又歌
送鮑生酒云風颭荷珠雖暫圓多生信有短姻緣西橋
今夜三更月還照離人泣斷絃韋命牽紫叱撥以酬
之俄有紫衣冠二人自閣西升階來二生恐悚闔戶
窺之一人長髯曰足下賦云斜漢左界北陸南躔白露
暖空素月流天可謂光絕對曰何不見賞風霽地表雲

歛天末洞庭始波木葉微脫今夜月如晝可以為賦長
髯曰向聞妾換馬之事可以為題以彼傾城求其駿足
為韻長髯曰彼佳人兮如璫之英此良馬兮負駿之名
將有求於駿足亦何惜於傾城香暖深閨未厭夭桃之
色風清廣陌曾憐噴玉之聲希逸曰原夫人以矜其容
馬乃稱其德既各從其所好諒何求而不克長跪而別
姿容休耀其金鈿右牽而來光彩頻生於玉勒文通曰
步及庭砌効當軒墀望新思懼非吾偶也戀舊生疑借
人乘之香散綠駿意已忘於鬢髮汗流紅頰愛無異於
凝脂希逸曰是知事有廢興用有取捨彼以絕代之容

唐言錄卷五十一
九
為鮮矣此以軼群之足為貴也買笑之恩既盡有類求
之據鞍之力尚存猶希進也賦訖行十餘步已失故祜
有愛妾換馬什云綺閣香銷華廐空忍將行兩換追風
休憐柳葉雙眉綠却愛桃花兩耳紅侍宴永辭春色裏
趁朝休立漏聲中思勞未盡情先盡暗泣西風兩意同
祜長慶中深為令狐楚所知楚鎮天平日草薦表令以
詩三百篇隨狀表進祜至京屬元稹在內庭上問之稹
曰祜雕蟲小巧壯夫不為或獎激之恐變陛下風教上
領之於是失意東歸有孟浩然身更不疑之句

驪宮小禽名阿濫堆明皇御玉笛採其聲翻其曲且名

馬遠近以笛爭效之祜有華清宮詩曰紅樹蕭蕭閣半
開玉皇曾幸此宮來至今風俗驪山下村笛猶吹阿濫
堆

皮日休云祜字長吉元和中作宮體小詩辭曲艷發當
時輕薄之流能其才合諫得譽老大稍窺建安風格誦
樂府錄知作者本意短章大篇往往間出講諷怨謫時
與六義相左右善題目佳境言不可刊置別處此為才
子之最也或薦之天子書奏不下亦受辟諸侯府性狷
介不容物輒自劾去以曲阿地古澹有南朝遺風遂築
室種植而家馬性嗜石筴悉力致之從南海間罷職事

載羅浮石笋還不蓄美田利產為身後計死未二十年
而故姬遺孕凍餒不暇豈其怨刺於神明耶天果不愛
才沒而猶譴耶又進士顏萱過祐丹陽遺居見其愛姬
崔氏貧居荆棘下有一子祀兒求食汝墳矣憫然作詩
弔之萱詩曰憶昔為兒逐我兄曾拋竹馬拜先生書齋
已換當時主詩壁空題故友名豈是爭權留怨敵可憐
當路盡公卿紫扉草屋無人問猶向荒田賣地征日休
詩云勝華通子共悲辛荒途今為舊宅鄰一代交遊非
不貴五湖風月合交貧魂應絕地為才鬼名與遺編在
史臣聞道平生編定石至今猶泣洞庭人陸龜蒙云先

生清骨莖煙霞業破孤存孰為嗟幾篋詩編分貴位一

林石笋散豪家兒過舊宅啼楓影姬逸荒田泣稗花唯

我共君堪便戒莫將文譽作生涯杞兒後處望嘉興監

張為作主客圖以白樂天為廣大教化主而以祐為入

室取其句云萬國見清道一身成白頭上令孤此地榮

辱盛豈宜山中人秋晚葛溪謾碎張家劍却是猿聲斷

客腸葛溪書空疑未決卓地計初成杜秋春申還有三

千客寂寞無人報李園句

杜牧之酬祐詩云七子論詩誰似公曹劉須在指揮中

薦衡昔日知文舉令孤為乞火無人作削通北極樓臺

長挂夢西江波浪遠吞空可憐故國三千里虛唱歌辭
滿六宮

或言祐清河人嘗賦淮南詩有人生只合揚州死禪智
山頭好墓田果卒于丹陽隱舍

崔涯

崔涯吳楚人與張祐齊名其妻雍氏乃雍祕校之女夫
嬾相歡而涯不禮其妻父妻父不平之奪其女為尼涯
不得已為詩留別曰隴上泉流隴下分斷腸嗚咽不堪
聞嫦娥一入月中去巫峽千秋空白雲或謂崔
膺之作
詠春風云動地經天物不傷高情逸韻住何方扶持燕

崔連天去斷送楊花盡日狂
遶桂月明過萬戶弄帆晴
晚渡三湘孤雲雖是無心物
借便吹教到帝鄉
太行嶺上十尺雪崔涯袖中三尺鐵
一朝若遇有心人
出門便與妻兒別涯俠士詩也
涯與張祐失意游俠江
淮此詩往往傳於人口

盧儲

李翱江淮典郡儲以進士投卷翱禮之置文卷几案間
因出視事長女及笄閑步鈴閣前見文卷尋繹數回謂
小青衣曰此人必為狀頭迨公退李聞之深異其語乃
令賓佐至郵舍傳語於儲選以為婿儲謙辭久之終不

却其意越月遂許來年果狀頭及第纔過關城徑赴嘉
禮催粧詩曰昔年將去玉京遊第一仙人許狀頭今日
幸為秦晉會早教鸞鳳下粧樓後廬止官舍迎內子有
庭花開乃題曰芍藥斬新裁當庭數朶開東風與拘束
留待細君來人生前定固非偶然耳

趙璜

正月云正月今朝半陽臺信未迴水芹寒不食山杏兩
應開世網留三宿真源寄一杯因聲謝猿鳥歲晏會歸
來

題七夕圖云帝子吹簫上翠微秋風一曲鳳凰歸明年

七月重相見依舊高懸織女機

七夕詩云烏鵲橋頭雙扇開年年一度過河來莫嫌天
上稀相見猶勝人間去不迴欲減煙花鏡俗世暫煩煙

月掩樓臺

璜開成三年登第

柴夔

望九華山詩云九華如劔插雲霓青靄連空望欲迷北
截吳門疑地盡南連楚界覺天低山池水醮中秋月石
路人攀上漢梯惆悵舊遊無復到會須登此出塵泥
夔登太和中進士第

王繼勳

贈和龍妙空禪師詩云四面山南靈慶院茅齋道者雪
峯禪只棲雲樹兩三畝不下煙蘿十五年猿鳥認聲呼
喚易龍神降伏住持堅誰知今日秋江畔獨步醫王闡
法筵

夏鴻

贈和龍妙空禪師詩云翰林遺迹鏡潭前孤峭高僧此
處禪出為信門興化日坐當吾國太平年身同瑩澈尼
珠淨語並鋒鉞慧劍堅道果已圓名已遂即看千匝遶
香筵

鴻登開成進士第

曹汾

早登靈芝望九華寄杜使君詩云戴月早歸三秀館平
明初辨九華峯嗟嗟玉劍寒芒利裊裊青蓮翠葉重怪
狀却疑山盡出嵐光似為客添濃行香若到五溪上此
處褰幃正面逢

汾以尚書鎮許下其子希幹及第用錢二十萬榜至鎮
張宴置榜於側時進士胡錡有賀啓略曰桂枝折處着
萊子之絲衣楊葉穿時用魯連之舊箭汾先登也又曰一
千里外觀上國之風光十萬軍中展長安之春色

汾字道謙開成四年登第希幹咸通十四年登第汾終
戶部侍郎汾懿宗宰相確之弟確罷相為鎮海節度使
以扞龐勛功就加太子太師汾為忠武節度入為戶部
判度支弟兄並列將相之任時人榮之

楊鴻

時望九華山詩云九華閑屋簇清虛氣象群峯盡不如
惆悵都南挂冠吏無人解向此山居

易重

會昌五年陳商下進士張漬第一重次之後詔白敏中
重考覆落頊等八人而重居榜首有詩寄宜陽兄弟云
六年鴈序恨分離詔下今朝遇已知上國皇風初喜日
御堦恩渥屬身時內庭再考稱文異聖主宣名獎藝奇
故里仙才若相問一春攀得兩重枝

唐詩紀事卷第五十三

喬琳

王鈺

于興宗

李朋

楊牢

李汶儒

薛蒙

李鄴

于瓌

王嚴

劉睽

李渥

劉璐

盧栢

李續

盧求

田樟

高璩

牛徵

蕭祐

魏暮

陸肱

李商隱

劉得仁

喬琳

縣州越王樓即事云三蜀澄清郡政閑登樓携酌日躋攀頓覺曾懷無俗事迴看掌握是人寰灘聲曲折涪州

水雲影低啣富樂山行鴈南飛似鄉信忽然西笑向秦關

琳為郭子儀朔方掌書記與聯舍畢曜相掉訐貶巴州司戶參軍歷果綿遂懷四州刺史建中初朱泚叛為偽吏部尚書後伏誅臨刑歎曰我以七月七日生以此日死非命耶

王鈇

登越王樓見喬公詩偶題云雲架重樓出郡城虹梁雅韻仲宣情越王空置千年跡丞相兼揚萬古名過鳥時衝客會閑風徃徃弄江聲謬將蹇步尋高躅魚目

珠豈繼明

鈇大曆中代喬琳為綿州刺史

于興宗

夏杪登越王樓臨涪江望雪山寄朝中知友詩云巴西西北樓堪望亦堪愁山亂江迴遠川清樹欲秋晴明中雪嶺煙靄下漁舟寫寄朝天客知予恨獨遊大中時以御史中丞守綿州後為洋州節度初在左綿作此詩和者李朋楊牢輩皆朝中之友也許渾酬綿州于中丞見寄云故人書信越褒斜新意雖多舊約賒皆就一麾先去國共謀三逕未還家荆巫夜

隔巴西月鄢鄢春連漢上花半月離居猶悵望可堪垂
白各天涯

李朋

綿州中丞以江山小圖遠垂賜及兼寄詩云巴江與雪
山并邑共廻環圖寫丹青內分明煙靄間移君名郡興
助我小齋閑日想登臨處高蹤不可攀

朋為尚書郎和于興宗詩

朋除刑部員外郎制云將仕郎御史李朋能積行實發
其辭華方正端慎宦業克舉

牧之詞

楊牢

牢洪農人少孤年六歲母俾入雜學誤入人家乃父友
也方彈棋戲以局為題俾賦之應聲曰魁形下方天須
亞二十四寸牕中月

奉酬于中丞見寄之什詩云劍外書來日驚忙自拆封
丹青得山水強健慰心曾事少勝諸郡江迴見幾重寧
悲久作別且似一相逢詩合焚香詠愁應賴酒濃庾樓
寒更憶腸斷雪千峯

牢登大中二年進士第最有詩名大中時顧陶作唐詩
類選法取甚嚴其序云剛定之初如楊牢等十數公詩
猶在世及稍稍淪謝一篇一詠未稱所錄若續有所得

當別為卷軸庶無遺恨

李汝儒

和綿州于中丞詩云珍重巴西守殷勤寄遠情
劍峯當戶碧詩韻滿樓清日照涪川闊煙籠雪嶠明
徵黃看郎及莫歎滯江城

汝儒登大和五年進士第官至翰林學士汝儒守禮部
員外郎充翰林學士制云才行冠時名聲燁然揚歷臺
閣宣昭職業無入而不得其道守正而莫混其源並為
儒者之英獨蘊賢人之操久遊安在相見何晚杜牧之詞

薛蒙

和綿州于中丞詩云左綿江上樓五馬此銷愁暑退千
山雪風來萬水流遑迴猶刺郡繫滯似維舟即有徵黃
日名川莫厭遊

蒙時為考功郎

李鄴

和綿州于中丞詩云長聽巴西事看圖勝所聞江樓明
返照雪嶺亂晴雲景象詩情在幽期筆跡分使君徒說
好不抵怨離群

鄴時為戶部郎官

于瓌

和綿州于中丞詩云樓因藩邸號川勢似依樓顯敵舍
清暑嵐光入素秋山宜姑射貌江泛李膺舟郢曲思朋
執輕紗畫勝遊又云極目郡城樓浮雲拂檻愁政成多
暇日詩思覺先秋遠霽千巖雪隨波一葉舟昔曾窺粉
繪今厭許陪遊

瑗字正德教之子也大中七年進士第一人時為校書

郎

王嚴

和于中丞詩云雉蝶臨朱檻登茲便散愁蟬聲怨炎夏
山色報新秋江轉穿雲樹心閑送葉舟仲宣徒有款謝

守幾追遊

嚴大中時布衣

劉睽

題越王樓寄獻中丞使君詩云朱軒迥壓碧煙州昔歲
賢王是勝遊山簇劍峯朝闕遠水如巴字遠城流人間
物象分千里天上笙歌醉五侯今日登臨無限意同霑
惠化自銷愁

睽時為鄉貢進士

李益

秋日登臨越王樓詩云越王曾牧劍南州因向城隅建

此樓橫玉遠開千嶠雪暗雷下聽一江流畫簷先弄朝陽色朱檻低臨衆木秋徒學仲宣聊四望且將詞賦好依劉

渥時為鄉貢進士後登第

劉璐

洋州于中丞頃牧左綿題詩越王樓上朝賢繼和輒課四韻詩云隔政代君侯多慙跡今猷山光來戶牖江鳥滿汀洲雅韻徵朝客清詞瀉郡樓至今謠未已生意在洋州

璐為綿州刺史隔政代興宗璐曾刺蜀州

盧楫

和于中丞見寄詩云圖書越王樓開緘慰別愁山光涵雪冷水色帶江秋雲鳥孤征雁煙帆一葉舟嚮風舒霽景如伴謝公遊
栢時為洪文館學士

李績

和于中丞見寄詩云半年登此樓退去不勝愁地遠二千里時將四十秋續相從東川奏舉過綿州刺史帝洪邈迤多失路華皓任虛舟詩酒雖堪使何因得共遊
續時為同州刺史

盧求

和于中丞見寄詩云高情推謝守善政屬綿州未落紫
泥詔間登白雪樓晴江如送日寒嶺鎮迎秋滿壁朝天
士唯予不繫舟

求登寶歷二年進士第李翱之婿也翱典合肥有道人
號先知始翱妹婚揚嗣復知舉求落第至是嗣復再知
舉道人以小卷遺嗣復曰放榜日開之泊放榜開卷乃
曰裴頭黃尾三求六李時第一人裴求榜末黃駕次則
李休盧求又李方玄從毅道裕景初李助李求共六人
道人又謂翱曰公之子不如外孫後求子携鄭亞子

李審權子遜能為相皆翱外孫也

田章

和于中丞云志乖多感物臨眺更增愁暑候雖云夏江
聲已報秋雪遙難辨木林近好維舟莫恨歸朝晚朝簪
擬勝遊

章登開成四年進士第

高瓊

白敏中自劍南節度移荆南經忠州追尋樂天遺迹有
詩云南浦花臨水東樓月映風瓊時為書記有詩云公
齋一到入非舊詩板重尋墨尚新瓊自梓州刺史入朝

綿州與刺史薛逢登越王樓逢以詩贈別云乘遞初登
劍外州傾心喜事富人侯方當蒞藝作仁日便到攀轅
卧轍秋容聽把歌消子夜許陪仙躅上危樓欲知恨戀
情深處聽取長江日暮流璩和云劍外綿州第一州鎮
前偏喜接君侯歌聲婉轉添長恨管色淒涼似到秋但
務歡娛思曉角獨耽雲水上高樓莫言此去難相見怨
別徵黃是順流

璩字瑩之進士第翰林學士擢諫議大夫學士超省郎
進官者惟鄭顥以尚主而璩以寵升懿宗時為宰相卒
曹鄴言璩宰相交游醜雜進取多蹊徑謚法不思安愛

曰刺請謚為刺

牛徵

登越王樓即事詩云危樓送遠目信美柰鄉情轉岸孤
舟疾銜山落日明蕭條看草色惆悵認江聲誰會登臨
恨從軍白髮生

徵登咸通二年進士第叢之子也

蕭祐

遊石堂觀詩云山西高高何所如上有古昔真人居欽
崖巨石自成室其下磅礴含清虛我來斯邑訪遺迹乃
遇沈生耽載籍沈生為政哀惇發又能索隱探靈竒欣

然向我話佳境與我崎嶇到山頂
耳瓜割綠出寒泉碧甌浮花酌
春茗嚼瓜啜茗身清涼汗消締
絡如迎霜胡為空山百草花
條爾邊豆肆我旁始驚知周無
小大力寡多方驗斯會妙用騰
聲冠蓋間勝遊恣意煙霞外故
碑石像兀幾年雲鬱雨飛生綠
煙我知遊此多靈仙縹緲月中
飛下天天風微微夕露委松梢
颼颼曉聲起鳳去空遺簫管音
星翻零落銀河水勸君學道此
時來結茅獨宿何遼哉齋心玄
默感靈衛必見鸞鶴相徘徊我
愛崇山雙劍北峯如人首柱天
黑俗呼為頭山人群山偃僕勢
奔走狀若歸尊趨有德半巖有
洞頂有池出入靈怪潛

蛟螭我去不得晝夜思夢遊曾
信南風吹南風吹我到林嶺故
國不見秦天迥山花名藥撲地
香月色泉聲洞心冷蔭松散髮
逢異人寂寞曠然口不言道陵
公遠莫能識髮短耳長誰獨存
司晨驚覺忽惆悵可惜所遊俱
是妄蘊懷耿耿誰與言直至今
來意不忘翛然遠通形神開擁
傳又恨斜陽催一丘人境尚堪
戀何況海上金

銀臺

祐為祠部郎中

魏暮

宣宗重陽錫宴群臣有御製詩其略曰欵塞凝征騎和

我委廟賢傾心方倚注叶力共安邊宰臣以下應制皆
和上曰宰相魏暮詩最佳其兩聯云四方無事去神像
杪秋來八水寒光起千山霧色開上嘉賞久之魏舞蹈
拜謝群寮聳視魏有得色極歡而罷

暮字申之文宗時以直言拜右補闕大中時鎮蜀宣宗
曰暮名臣孫有祖風朕心憚之然卒以剛正為令狐綯
所忌讒罷之

陸肱

松詩云雪霜如勁質今古乞嘉名斷砌盤根遠疎林偃
蓋清鶴棲何代色僧老四時聲鬱鬱心彌久煙商萬井

生

肱大中九年登進士第咸通六年自前振武從事試平
判入等後牧南康郡辟許崇為郡從事鄭谷寄詩云江
山多勝境賓主是貧交肱以春賦得名

李商隱

商隱字義山懷州人英國公世勳裔孫令狐楚帥河陽
寄其文使與諸子游楚歷鎮表為巡官卒於工部侍郎

商隱累佐王茂元鄭亞柳温庭筠段成式俱以儂偶相
仲郢故樊南甲之集作馬

夸號三十六體

揚大年出義山詩陳恕酷愛一絕云珠箔輕明覆玉墀

披香新殿鬪腰肢不須看盡魚龍戲終遣君王怒偃師
嘆曰古人措辭寓意如此深妙令人感慨不已大年又
曰鄧帥錢若水舉賈誼兩句云可憐半夜虛前席不問
蒼生問鬼神錢云措意如此後人何以企及鹿門先生
唐彥謙為詩纂慕玉溪得其清峭感愴蓋其一體也然
警絕之句亦多有

商隱賦云豈如河畔牛星隔年只聞一過不及苑中人
柳終朝剩得三眠注漢中有人形柳一日三起三側
義山少遊投宿逆旅主人會客召與坐不知其為義山
也酒酣席客賦木蘭花詩義山後就曰洞庭波冷曉侵

雲日月征帆送遠人幾度木蘭舟上望不知舡是此花
身坐客覽之大驚詢之乃義山也

商隱為彭陽公從事彭陽之子綯繼有韋平之拜惡商
隱從鄭亞之辟以為忘家恩疎之重陽日商隱留詩於
其廳事曰曾共山翁把酒卮霜天白菊遶堦墀十年泉
下無消息九日罇前有所思不學漢臣栽首着空教楚
客試江蘼郎君官貴施行馬東閣無因再得窺綯乃補
大學博士尋為東州柳仲郢判官府罷客滎陽卒

錦瑟詩云錦瑟無端五十絃一絃一柱思華年莊生曉
夢迷蝴蝶望帝春心託杜鵑滄海月明珠有淚藍田日

唐詩紀事卷五十三
暖玉生煙此情可待成追憶只是當時已惘然

或云錦瑟令狐

楚之妻

劉得仁

聽松聲詩曰庭際微風煖高松韻自生聽時無物亂盡日覺神清強以幽泉並翻嫌細雨并拂空憎鶴唳遇牖入琴聲况復當秋杪偏宜在月明不知幽澗底蕭瑟有誰聽

樂遊原春望云樂遊原上望望盡帝城春始覺繁華地應無不醉人雲開雙闕麗柳映九衢新愛此偏高野閑來竟日頻

題郡公禪院云無事門多掩陰堦竹掃苔勁風吹雪聚渴鳥啄冰開樹向寒山種人從瀑布來終朝天日上擎錫逐雲回

悲老宮人云白髮宮娃不解悲滿頭猶自插花枝曾緣玉貌君王愛准擬人看似舊時

得仁貴主之子自開成至大中三朝昆弟皆歷貴仕而得仁苦於詩出入舉場三十年卒無成嘗自述曰外家雖是帝當路且無親又云外族帝王是中朝親故稀翻令浮議者不許九霄飛既終詩人競為詩弔之僧棲白詩曰忍苦為詩身到此冰魂雪魄已難招若教桂子落

唐詩紀事卷五十三
墳上生得一枝怨始銷

吟苦曉燈暗露深秋草踈舊山多夢到流水送愁餘句
風定一池星句右張為取作主客圖

宿義寧里池亭云暮色遠桐亭南山幽竹青夜深斜舫
月風定一池星島嶼無人跡菰蒲有鶴翎此中休便得
何必泛滄溟

聽歌云朱檻滿明月美人歌落梅忽驚塵起處疑有鳳
飛來一曲聽初徹幾年愁暫開東南正雲雨不得見陽
臺

長信宮云簾涼秋氣初長信恨何如拂黛月生指解鬟

雲滿梳一從悲畫扇幾度泣前魚坐聽南宮樂清風搖
翠裾

Blank manuscript page with vertical lines for text columns.



